



"Allah ima 99 imena, stotinu manje jedno. Onaj ko ih nauči ući će u džennet. Allah je jedan i voli neparno."

Ebu Hurejra, radijallahu anhu, rekao je: "Rekao je Allahov Poslanik, sallallahu alejhi ve sellem: 'Allah ima 99 imena, stotinu manje jedno. Onaj ko ih nauči ući će u džennet.

Allah je jedan i voli neparno.'"

[Vjerodostojan] [Muttefekun alejh]

Allah Uzvišeni ima 99 imena. Onaj ko ih nauči ući će u džennet. Učenje se odnosi na njihovo učenje napamet, dok neki kažu da se pod učenjem misli na vjerovanje u njihova značenje, rad po onome na šta ta imena ukazuju i poslušnost u stvarima koje ta imena podrazumijevaju. U ovom hadisu se potvrđuje da Allah Uzvišeni ima 99 imena, što ne znači da Allah Uzvišeni nema i drugih imena osim 99 spomenutih. Ova su imena spomenuta jer su ona najpoznatija i najjasnija u značenjima. To je isto kao da neko kaže: "Zejd ima stotinu zlatnika, koje je pripremio da udijeli kao sadaku", što ne znači da on nema više od stotinu zlatnika, već nam to samo govori da je on toliko zlatnika izdvojio za sadaku. Na ovo ukazuje i hadis Ibn Mesuda u kome Allahov Poslanik, sallallahu alejhi ve sellem, kaže: "Molim Te svakim imenom Tvojim kojim si Sebe nazvao, ili si ga objavio u Knjizi Svojoj, ili si njemu poučio nekoga od stvorenja Svojih, ili si ga kao znanje nedokučivog zadržao samo za Sebe..."Allah je neparan, odnosno Jedan Jedini, Koji nema sudruga. "...i voli neparno", odnosno voli djela koja su neparna i zbog toga je Allah Uzvišeni učinio da mnogi ibadeti budu neparni, pa je propisao pet dnevnih namaza, sedam krugova oko Ka'be, te činjenje mnogih djela tri puta učinio pohvalnim, stvorio je sedmera nebesa i sedam Zemalja.

<https://sunnah.global/hadeeth/bs/show/10416>

